

天一閣藏明代方志選刊續編

天一閣藏
明代方志選刊續編

PDG

正德姑蘇志三（江蘇）

天一閣藏明代方志選刊續編
三

上海書店

姑蘇志卷第三十一

第宅

第宅園池何以書賢乎其人也賢乎其人則何
以及乎第宅園池古之人其不可復作矣君子
思其人而不見見夫人之所嘗止猶見夫人也
詩云蔽芾甘棠勿翦勿伐召伯所茇

巫咸宅按越絕書舊圖經皆云虞山巫咸所居舊志
云在婁縣山下今婁縣止馬鞍一山無巫咸宅當
在虞山無疑

王賓識舊說巫咸已上天楚人歌裏
亦千年相傳住處今何在一座青山

縣郭

邊

太公石室在虞山室凡十所續圖經山東二里有石

室范氏志太公避紂居東海濱常熟去海近或是

林大同

詩 虛巖宛如室空洞神僊宅既非巨靈剖

何勞五丁鑿閑門鎖薜蘿寒煙縈翠幕疑通少室

山或與紅塵隔具瞻同廣廈生民誠可託大庇安如山何愁風雨作

言偃宅在常熟縣西今稱言公巷吳地記云宅有井

井邊有洗衣石皆故物輿地志云石爲太守蕭正

德持去

周顧

詩 列國推吞際人材北學難淒涼

杏壇一橋通寒巷蔽井樹陰寒

范蠡宅在太湖包山任昉述異記洞庭湖上有釣洲

蠡嘗乘舟至此遇風止釣于上刻字記焉洞庭記

云在杜圻洲馬跡山南方十里多桑苧菜菓又前

志云在東山翠峯寺

吳藻詩漠漠寒雲鶴影邊荒山故宅忽千年大夫已賜平

吳劍西子還隨去越船白石撐空存鳳屐青松落井化蛟與徒憐此地無章甫只解區區學計然

馮驩宅按圖經在彈鋏巷唐人言宅傍有墳有碑驩蓋孟嘗君使徵邑民債者彈鋏巷俗名長鋏巷

丁令威宅在陽山有丹井存焉

高啓詩令威作僊上大去舊宅留在青山

阿千年宅廢但遺井何處更聞華表歌南陌黃塵足去客東流碧海絕迴波鶴歸重覽應惆悵地上丘墳今又多周南老鶴僊丁令威宅枕陽山睡僊化鶴不返宅廢人已非餘遺丹井在井口苔生衣丹先時夜發猶能照巖扉月斜人籟寂鶴自遼東歸爲歌華表吟但傷知音希

梅福隱居相傳在吳門西市坊

黃廷堅詩吳門不作南昌尉上疏歸來朝

市空笑拂巖花問塵
世故人子是國師公

蔡經宅吳地記言在朱明寺西王方平與麻姑嘗過

其家事具紀異

麟朝紫京舉手長辭漢公卿得道

不顧世上名往來隱玄與朱明洞中各有白玉城
絳衣游空擁幢旌三山五嶽自按行冷風吹動天
樂鳴瓊蕭琅琅和鸞笙羽衛感踏山海崩龍車鶴
馭紛相迎嘯呼神官走吏兵魑魅魍魎號且驚
來經家駐雲駟人馬不見但有聲虎頭鰲囊佩蒼
精神光赫然照軒楹授以至言可長生凡骨已作
蟬蛻輕麻姑來會尋僊盟芳姿嫋嫋似飛瓊言從
昔年宴蓬瀛又見弱水三淺清不可爬背念始萌
僊意已識遭管榜餘杭阿姥酒罷傾蹕景忽去煙
雲橫家人悲望空惻惻桑田回首幾變更神僊在
世每自呈凡夫不識等瞽盲丹元有田不解耕但
愛狗苟還蠅營榮華未滿谷責盈忽化腐鬼歸荒
塋金丹可學道可成木鑽石盤貴精誠誰能自
拔水火坑飛游往來瑤樹英千載或有歸來情

陸績宅在臨頓里門有巨石初績罷鬱林太守歸無
裝舟輕不可越海取石爲重人稱其廉號鬱林石

見唐史陸龜蒙傳今石移置察院前號廉石

王地

林石相傳台府石來自鬱林州歷世經千載移封
象一丘溫文思孝子瑩潔擬賢侯嘉樹繁陰護殘
苔積翠浮齊舟曾鎮險入苑更無傳會有騷人拜
應從使者求素書猶在匣神劍已藏韞知子多奇
術相看
解點

周公瑾宅在雍熙寺西故井猶存按漢建安三年孫
策爲瑜治第於吳今猶云周將軍巷宋太尉周虎
居之因立武狀元坊

陸玩宅今靈巖山寺玩代王導爲司空雅量宏遠獎

納後進縉紳皆廢其德宇

何準宅在縣西二里捨為般若臺東北有般若橋俗

云朱明寺橋

見吳地記

王珣宅在日華里今景德寺也其別墅在虎丘

戴顒宅今北禪寺唐司勳郎中陸洿嘗居之有花橋

水閣見白樂天寄馮侍御詩鄭太卿嘗於此作水

閣以追故事

樂天詩揚州驛裏夢蘇州夢到花橋水閣頭覺後不知馮侍御此中昨夜

共誰遊

張融宅陸慧曉宅並在今承天寺其間有池池上有

二柳廬江何點曰池便是醴泉水便是交遜沛國

劉璉至吳謂人曰吾聞張融與慧曉並宅其間有

水此水必有異味命駕往酌飲之曰鄙吝之萌盡

矣王賓詩兩處樓臺一樣高空餘煙雨到今朝清心不見當時水楊柳各存讓未消

屈突明府廳不知處所明府唐人以建昌宰休官吳

中李白詩陶令八十日長歌歸去來故人建昌宰借問幾時迴風落吳江雪紛紛入酒盃山翁吟

已醉舞袖爲君開

李嘉祐宅嘉祐罷袁州刺史居此僧皎然有酬李員

外蘇臺屏居春首有懷詩

韋承總幽居孟東野有題韋承總吳王故城下幽居

詩東野詩云才飽身自貴巷荒門豈貧韋生堪繼相孟氏願依隣夜思琴語切畫情茶味新霜枝

留過鵲風竹掃蒙塵郢唱一聲發吳
花千片春對君何所得歸去覺情真

張籍故居在胥門

籍詩云共踏長安街裏塵吳門獨
作未歸身胥門舊宅今誰住君過

西塘與問人此詩籍贈陸暢
者觀此則籍爲吳人可知矣

章博士宅在洞庭賈闥僊有題章博士居詩

麴信陵故居在包山信陵唐望江令有惠政白樂天

有詩

徐脩矩宅脩矩恩王府參軍世守書萬卷皮日休嘗

就借書

東莞爲著姓奕代皆雋喆強學
取科第名聲盡孤獨自爲方州來清操稱

藥冽唯寫墳籍多必云清俸絕宣毫利若風剡紙
光於月札吏指欲舛萬通排未闕樓船若夏屋欲
載如垤塤轉徙入吳都縱橫碾門闌縹囊輕似
細帙殷於血以此爲基構將斯用貽歎於

印貴却全師節我愛參卿道承家能介潔潮田五
萬步草屋十數窠微宦不能去歸來坐如則保茲
萬卷書守慎如羈紲念我曾苦心相逢無間別引
之看秘寶任得窮披閱軸閑翠鈿剥籤古紅牙折
快解帶芸香卷開和桂屑枕蕪石鋒刃榻共松瘡
瘳一卧寂無喧數編看盡徹或携歸驛宇或把穿
林樾挈過太湖風抱宿支硎雪如斯未星紀悉得
分毫未剪除幽僻藪絛蕩玄微窟學海正狂波余
頭向中頸烏沒及聖人患不學垂誠尤爲切苟昧
古與今何殊瘠共羶五滑反昔之慕經史有以儻
筆札何況記斯文借之不曾輟吾衣任黻纁吾食
古糠覈其逆苟可尤斯文邪自伐何竹青堪殺何
蒼重好截如能盈蕪雨便足酬飢渴有此競苟榮
聞之無可嘆東臯櫟煙雨南嶺提薇蕨何以謝徐
君公車不聞設陸龜蒙嘗聞四書曰經史子集焉
苟非天祿中此事無由全自從秦火來歷代逢迤
邐漢祖入關日蕭何爲政年盡力取圖籍遂持天
下權中興延嘉時教化還相宣立石刻五經置於
太學前賊莽亂王室君臣如轉圜洛陽且煨金載
籍宜爲煙逮晉武革命生民纔息肩惠懷亟寡昧

戎羯俄腥膻已覺天地閉競爲東南遷月既不暇
給墳索何由專爾後國晚弱人多尚虛玄任學者
得謗清言首爲賢直至沈范輦沈約范雪昔藏書
數萬卷始家藏簡篇御府有不足仍令就之傳梁
元渚宮日盡取如抵錄兵威忽破碎焚藝無遺篇
近者隋後主搜羅勢駢闐寶函映玉軸彩翠明霞
鮮伊唐受命初載史聲連延砥柱不我助驚波湧
渝連遂令因去書半在餘浮泉真觀購亡逸蓬瀛
漸周旋吳然東壁光與月爭流天偉夫開元中王
道真平平八萬五千卷一一皆塗鈐粟開元麗正
毀書錄去人間盛傳寫海內奔窮研自云西齋書
有過東皇田吾聞徐氏子奕世皆才賢因知遺孫
謀不在黃金錢掉架幾萬軸森森若戈鋌風吹籤
牌聲滿室鏗鏘然佳哉鹿門子好問如陰脩備來
參卿處遂得參卿憐開懷展厨簾唯在性所便素
業已千仞今爲峻雲巔雄才舊百派相近浮日邊
君苞王佐圖縱步凌陶甄
他時若報德誰在參卿先

顧鍊師草堂在陽山唐李頻有詩

陸魯望宅在臨頓橋皮日休云不出郭郭曠若郊墅

魯望幽居賦云陸子居全吳東距長洲故苑一里

又云地接虎丘門臨鶴市又有別墅在甫里魯望

躬耕於此有地數畝有屋三十楹有田奇四萬畝

其居後爲白蓮花寺建祠堂塑像咸淳中有盛氏

子醉仆其像於水腹中皆平生詩文親藁

一方瀟灑地之子獨深居遶屋親栽竹堆牀手寫

書高風翔砌鳥巢雨失池魚暗識歸山計村邊買

鹿車其二籬疎從綠槿簷亂在黃茅墜酒移溪石

煎茶拾野巢靜窻懸雨笠間壁挂烟匏支遁今無

骨誰爲外世高其三蘭稀初上蕙醑盡米乾牀盡

日留蠶毋移時祭翅王赴泉澆竹急候雨種蓮忙

更葺園中景應爲顧辟疆其四靜僻無人到幽深

每自知鶴來添口數琴到益家資壞塹生魚沫頽

簷落燕兒空將綠蕉葉來往寄閑詩其五夏過無
甌石日高開板扉僧雖與筒簾人不與蕉衣鶴靜
共眠覺鷺馴同釣歸生公石上月何夕約譚微其
六經歲岸烏紗讀書三十車水痕侵病竹蛛網上
衰花詩任傳漁客衣從遞酒家知君秋晚事白幘
刈胡麻其七寂歷秋懷動蕭條夏思殘久盆空酒
庫多病束魚竿玄想疑鵲弱清濟拂塵冠夢蒐無
俗事夜夜到金壇其八閉門無一事安穩睡涼天
砌下翹飢鶴庭陰落病蟬倚杉間把易燒術靜論
玄賴有包山客時時寄紫泉其九病起扶靈壽脩
然強到門與杉除敗葉爲石整危根薜蔓狂遮壁
蓮莖卧枕盆明朝有忙事召客斲桐孫其十緩頰
稱無利低眉號不能世情都大薄俗意就中憎雲
態不知鵲鵲情非會徵蓋臣誰奉詔來此寫姜肱
龜蒙詩其十一近來唯樂靜移傍故城居閑打修琴
料時封謝藥書夜停江上鳥晴曜篋中魚出亦盪
何事無勞置棧車其十二倩人醫病看僕補衡茅
散髮還同阮無心敢慕巢簡便書行樽待破甌
匏日好林間坐烟蘿僅欲交其十三僧留海紙小
匠製雲牀懶外應無敵貧中其十四地平鷗鷺

花盡蝶情忙欲問新秋計菱絲一畝強其四故山
空自擲當路竟誰知祗有經時策全無養拙資病
深憐灸客炊晚信樵兒謾欲陳風俗周官未采詩
其五福地能容壑玄關詎有扉靜思瓊板字聞洗
鐵筇衣鳥破涼煙下人衝暮雨歸故園秋草夢猶
記綠微微其六水影沉魚器鄰聲動繞車熱輕梢
墜葉蜂懶卧樵花說史詳諸例論兵到百家明時
如不用歸去種桑麻其七禹穴奇編缺雷平異境
殘靜吟封蠶檢歸興削帆竿白石堪爲飯青蘿好
作冠幾時當斗柄同上步罡壇其八強起披衣坐
徐行處暑天上階來闔雀移樹去驚蟬莫問鹽車
駿誰看醬餽玄黃金如可化相近買雲泉其九野
入青蕪巷陂侵白竹門風高開栗刺沙淺露芹銀
逆鼠綠藤桁饑烏立石盆東吳雖不改誰是武王
孫其十疎慵真有素時勢盡無能風月雖爲敵林
泉幸未憎酒材經夏闕詩債待秋徵祗有君同癖
閑來對

曲肱

丁晉公宅在大郎橋掌宇甚古有層閣數間臨其後

號賢公坊

三瑞堂在閭門之西楓橋孝子姚淳所居家世業儒以孝稱蘇文忠公往來必訪之嘗爲賦三瑞堂詩

蘇軾詩

君不見董召南隱居行義孝且慈天公亦恐無人知故令鷄狗相哺兒又令韓老爲作詩爾來三百年名與淮水東南馳此人世不乏此事亦時有楓橋三瑞皆目見天意宛在虞鰥後惟有此詩非昔人君更往求無價手

寧極齋在飲馬橋郡人方士姚安世所居安世能詩文亦辯博自號丹元子元祐末往來京師與王定國游自言目接上清諸僊蘇子瞻一見奇之以爲異人又稱其詩有謫僊風采

五柳堂胡稷言所居在臨頓里陸龜蒙舊址也其子

嶧又取老杜宅舍如荒村之句名其居曰如村

酉室王伯起所居伯起字聖時楊邦弼序其詩有云

伯起受經於玉臨川學於曾南豐遊於曾宣靖公

父子間諸公皆推輓之年未及衰一旦棄去卜居

吳門獨處一廬扁曰酉室日焚香燕坐于其中其

所爲詩若干卷號唱道野集

國朝王聖時吾畏友也有室曰酉諉予

記之室無方不以西名室非時不以秋名非色也不以白名非聲也不以商名非味也不以辛名象數之所不能該也父不得而名流動非氣也堅利非物也金亦無所名焉是七者酉屬也散一爲十名體各足合七爲一且然一室方其日薄虞淵行龍遜藏獸萃鳥下百二入息吾聖時磅礴於無限